

誓尊祖師傳諭：

道門弟子須當崇敬

三清。宣揚道教，積善修德，勸忠勵孝，不得離經叛道，忘祖背師，洩漏仙機，
毀滅祠廟，違者重譴

遵奉 虛皇天尊所命初真十戒：

- 第一戒者 不得陰賊潛謀、害物利己，當以陰德、廣濟群生。
- 第二戒者 不得殺害含生、以充滋味，當以慈惠、以及昆蟲。
- 第三戒者 不得淫邪敗真、穢漫靈氣，當守貞操、使無缺犯。
- 第四戒者 不得敗人成功、離人骨肉，當以道助物、令九族雍和。
- 第五戒者 不得讒毀賢良、露才揚己，當稱人之美善、不自伐其功能。
- 第六戒者 不得飲量過差、食肉違禁，當調和氣性、專務清虛。
- 第七戒者 不得貪求無厭、積財不散，當以節儉、惠卹貧窮。
- 第八戒者 不得交遊非賢、居處穢雜，當慕勝己、棲集清虛。
- 第九戒者 不得不忠不孝、不仁不信，當盡節君親、推誠萬物。
- 第十戒者 不得輕忽言笑、舉動非真，當持重寡詞、以道德為務。

